



REPUBLIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-kline.org

Kuvendi i Komunës Klinë

Komiteti për Politikë dhe Financa

01Nr 06-8149 /25

Klinë, dt: 21.03 /25

PROCESVERBAL

Nga mbledhja e dytë e rregullt e Komitetit për Politikë dhe Financa, mbajtur, më 07.02.2025, me fillim nga ora 09:00 në sallën e Kuvendit të Komunës.

Mbledhjen e hapi Kryesuesi, z. Fadil Gashi, i cili përshëndeti drejtorët e drejtorive, anëtarët e Komitetit për Politikë dhe Financa, OSBE-në, Policinë e Kosovës dhe gjithë të pranishmit.

Kryesuesi, prezantoi rendin e ditës:

1. Arsyetimi i mungesave;
2. Shqyrtimi dhe miratimi i procesverbalit nga mbledhja e kaluar;
3. Shqyrtimi i raportit të punës së Ekzekutivit për vitin 2024 (ref.nga Ekz.);
4. Shqyrtimi i raportit të konsultimeve publike për periudhën janar-dhjetor 2024 (ref. nga zyra për Informim);
5. Shqyrtimi i kërkesave të arritura për Komitetin për Politikë dhe Financa për muajt janar-shkurt 2025;
6. Të ndryshme.

Fadil Gashi, kryesues: Po hap debat rreth rendit të ditës. A ka dikush për rend të ditës?

Me 7 vota PËR u miratua rendi i ditës.

Pika 1. Arsytimi i mungesave.

Fadil Gashi, kryesues: Jemi të gjithë të pranishëm.

Pika 2. Shqyrtimi dhe miratimi i procesverbalit nga mbledhja e kaluar.

Fadil Gashi, kryesues: Kush është për procesverbalin e seancës së kaluar?

Me 7 vota PËR, u miratua procesverbali nga mbledhja e kaluar.

Pika 3. Shqyrtimi i raportit të punës së Ekzekutivit për vitin 2024 (ref.nga Ekz.).

Fadil Gashi, kryesues: Po ja kaloj fjalën drejtorit të Financave, z. Enver Berisha.

Enver Berisha, drejtor i FEZH: Faleminderit, kryesues! Fillimisht, desha të ju kërkoj falje për shkak se raporti ka ardhur me vonesë. Mirëpo kjo vonesë nuk ka qenë e qëllimshme, por ne, pa i përfunduar pasqyrat financiare dhe pa i aprovuar ministria, nuk mund ta përfundojmë raportin e punës. Kështu që, arsyeja e vonesës është për shkak se ministria e ka kthyer njëherë raportin në rivlerësim prapë te pasqyrat financiare, dhe kjo është ajo që ka ndodhur. Unë kisha dashur mirëkuptimin e juaj që kjo të votohet për asamble, dhe besoj që kemi kohë të mjaftueshme që ta shqyrtojmë dhe miratojmë raportin financiar. Faleminderit.

Fadil Gashi, kryesues: Faleminderit, drejtor. A ka dikush?

Komiteti për Politikë dhe Financa, pas shqyrtimit të raportit të punës së ekzekutivit për vitin 2024, me 7 vota PËR, rekomandoi që i njëjti të përmirësohet aty ku është e nevojshme dhe të kalojë për shqyrtim dhe miratim në Kuvend.

Pika 4. Shqyrtimi i raportit të konsultimeve publike për periudhën janar-dhjetor 2024 (ref. nga Zyra për Informim).

Fadil Gashi, kryesues: Ky është një dokument i mbajtur gjatë të gjitha takimeve publike dhe është përgatitur nga zyrtarja, Vlora Tafili, edhe ne e kemi në shqyrtim. Po hap debatin, kush

është për?

Komiteti për Politikë dhe Financa, pas shqyrtimit të raportit të konsultimeve publike të mbajtura gjatë vitit 2024, pa ndonjë vërejtje apo sugjerim, me 7 vota PËR, rekomandoi që i njëjti të kalojë për shqyrtim në Kuvend.

Pika 5. Shqyrtimi i kërkesave të arritura për Komitetin për Politikë dhe Financa për muajt janar-shkurt 2025.

Kërkesa 1.

Kërkesë e parashtruar nga z.Granit Hyseni nga Klina, me anë të së cilës kërkon t'i mundësohet marrja në shfrytëzim e një pjese të parcelës përafërsisht 15 ari, parcela 546-1 ZK Klinafc. Gjithashtu thekson se: "Shprehem i gatshëm që, në rast të marrjes së një pjese të kësaj parcele të lartshënuar, jam i gatshëm të paguaj taksat dhe të lidh marrëveshje ashtu siç i përcakton ligji".

Fadil Gashi, kryesues: Ju e dini se ne e kemi për obligim të kthejmë përgjigjet e palëve. Në këtë rast, kërkesa është përmendur sipas Ligjit për dhënie në shfrytëzim dhe këmbim të pronës, por tash me këtë kërkesë është dashur ta bëjë njëfarë elaborati për çka e kërkon dhe çka do të investojë. Nuk mundemi thjesht të japim parcelën sepse sipas ligjit, nëse dëshirojmë ta japim këtë parcelë, duhet të shpallim tender dhe të aplikojmë. Nuk mund ta japim kështu. Edhe për këtë vit janë vetëm dy parcela që i kemi miratuar në seancën e dhjetorit. Ne e dimë që për këtë vit nuk bëhet kjo kërkesë sepse nuk është miratuar dhe nuk është në listën për dhënie në shfrytëzim, jo në listën e përgjithshme. E dimë të gjithë që kjo kërkesë nuk mund të realizohet këtë vit. Sipas ligjit për dhënie në shfrytëzim, gjashtë muaj para zgjedhjeve nuk mund të japim vendim për dhënie në shfrytëzim. Në të njëjtën situatë janë të gjitha kërkesat e kësaj natyre. A ka dikush ndonjë pyetje?

Tunë Deda: Përshëndetje, kryesues, për ju, për drejtorin dhe për gjithë të pranishmit! Kjo është në interes të komunës nëse jepet me qira do të thotë, nuk falet ajo tokë. Nëse ndihmojmë qytetarin që duhet të punojë me diçka, pajtohem me mendimin tuaj që është dashur të shkruajë për çka dëshiron ta punojë atë tokë ose diçka tjetër, për të ditur nëse kjo do të pengojë dikë nga fqinjët. Është mirë t'ia japim nëse nuk pengon asnjë prej tyre, se ndoshta po gabojmë që është dashur të shohim disa parcela që janë në interes, si edhe disa lokale që ka komuna.

Komiteti për Politikë dhe Financa, me 7 vota PËR, rekomandoi që kërkesa e parashtruar nga z. Granit Hyseni për dhënien në shfrytëzim të pronës komunale, të dërgohet për shqyrtim në zyrën e kryetarit, ku do të veprohet sipas Ligjit Nr.06/L-092 dhe Rregullores (QRK) Nr. 09/2020 për përcaktimin e procedurave të dhënies në shfrytëzim dhe këmbim të pronës së paluajtshme të komunës.

Pika 6. Të ndryshme.

Fadil Gashi, kryesues: A ka dikush në të ndryshme?

Tunë Deda: Unë ndonjëherë mund të dukem i tepërt me këtë problematikë, por që prek të gjithë qytetarët e Klinës, problemi i qenve endacakë është bërë një rrezik shumë i madh. E kam përjetuar vetë këtë situatë duke ecur në qytet, se një ditë mund ta kafshojnë edhe ndonjë fëmijë, dhe atëherë do të jetë vonë. Duhet të angazhohemi më shumë, të bëjmë apel dhe të thërrasim qeverinë. Kjo është me të vërtetë shqetësuese. Mendoj se qeveria duhet të ndajë buxhet për të mbledhur këta qenë, për t'i vaksinuar dhe kastruar. Është e rëndësishme ndoshta të vendosim këtë çështje në rendin e ditës për seancën e ardhshme dhe të angazhohemi seriozisht për ta zgjidhur këtë problem.

Fadil Gashi, kryesues: Faleminderit, Tunë!

Tunë Deda: Më fal edhe njëherë, kryesues! Unë mendoj se duhet të marrim një vendim në kuvend dhe t'i drejtohem qeverisë me një kërkesë.

Fadil Gashi, kryesues: Po, megjithëse kërkesat na kanë shkuar, drejtori na ka raportuar këtu se i ka dërguar kërkesat. Kërkesat janë drejtuar për projekte të veçanta për trajtim të tyre. Në fund të fundit, nuk e di unë a mund ta bëjmë ne ndonjë projekt, sa na kushton neve si Klinë. Unë e di që ndoshta pak e nga pak e dimë edhe ne, deri të na ndihmojë edhe dikush. A ka dikush tjetër? Ani a ta lëmë si rekomandim, bisedojmë me drejtorinë tonë për të parë si është gjendja dhe deri ku ka shkuar. A po pajtoheni? Atëherë, ju falënderoj shumë për prezencën tuaj.

Komiteti për Politikë dhe Financa, me 7 vota PËR, rekomandoi që Drejtoria për Shërbime Publike dhe Emergjencë të ndërmarrë masa lidhur me qentë endacakë të cilët janë në numër të shumtë dhe po rrezikojnë qytetarët e Komunës së Klinës.

**Procesmbajtësja,
Monika Palushi**



**KRYESUESI,
Fadil Gashi**

